

荔村草堂詩鈔

荔村草堂詩鈔卷第三

南海 譚宗浚 叔裕

過庭集上

起癸亥迄丁卯詩一百三十首

齋中讀書二十三首

義經繫辭編八卦詳位置厥有先天圖部分稍同異儻
云邵氏書亦復誰責備惟其託古人所以滋眾議設疑
始震川培擊逮胡渭爬梳無完膚詆毀極苛碎從知講
學家流派常有自立說不妨斷勿輕參妄偽豈有雕蟲
工而能刻鵠類豐坊楊慎徒母乃精神費

羣經多逸文誦讀恆齟齬未聞舊本亡乃以廣編補壁

經兩漢來早已列庠序梅姚竊變更原書定何許我思
估畢儒不如伏生女彼雖傳譯訛此乃扣槃警或云史
遷書引用十得五或云汲冢藏叢殘實初祖究竟大義
溼昏途乏明炬誰果真古文通儒不敢舉邇來海禁開
日本若門戶逸編真尙傳抑但妄夸詡何當泛博桑一
問海東估

風詩三百首大半男女辭微言寓深婉豈果牀第私干
年誰嗣響獨有湘中纍娥臺及娥渚託諷猶堪窺末流
日泛濫體製趨庸卑荒淫玉臺詠蝶狎花閒詞動云本
六義附會將誰欺儻令毛鄭見已復訶泥犁狂泉自煽

盪詎是岷山支

秦坑火既焚古禮盡遭廢豈知平桓時舊制已茫昧匹夫授百畝天下無饑寒何以回憲輩屢空嗟瓢箪舉士出膠庠選造多才哲何以游夏徒未聞廁高列穆轍一以罷巡狩禮久停魯畝一以稅征徭多重輕區區西漢儒掇拾從斷爛古制非有殊師傳乃各判吾思適東魯再起洙泗賢雅言所講習果似倉戴編定知莞爾笑岑鼎何爭焉

六經均聖學顯晦亦有時昔傳今或隱後盛前反衰最奇左氏傳親受尼山師寶書百二國蒼萃全靡遺奈何

兩漢士晚出紛滋疑不能公穀並乃等騶夾卑斷斷范
升議擾擾劉歆移學官卒未立曠絕師承希直從服與
杜箋注窮毫釐末流始大悟恍若雲霧披儻微二公力
得勿哀燼隨譬猶子孟子北宋猶詆訾近時匹魯論永
與星日垂

小學今大明羣經成就緒塾師暨學僮並解知倉許又
嫌太紛繁文字日孳乳剩義廣爬梳殘編競搜補偶逢
罅隙明夸耀頻詡詡段鈕或殊箋戴錢偶異詁居然片
字閒亦復分門戶忽憶張景仁八分致開府何曾識六
書早已登華廡區區學蠹魚鑽笮究何取

著書欲明理亦貴詞雅馴易成眾乃棄難致人競珍吾
觀宋語錄立義皆深醇惜其盡理語腐氣嗟頭巾空談
多幻渺實用非遵循何怪俗儒詬等之同積薪

昔賢稱漢宋遞嬗文雙輪迢迢百年外理學應更振意
其說理客卽是談經人可憐逢掖士誦習彌苦辛淵源
須兩涉並溯嶠與岷

周末文漸繁百家日充斥或則崇虛無或焉尙刻覈竊
惟諸子中管仲最奇特精醇多粹言深祕擅謀策卽如
地員篇幾輩能解釋次則戰國時經濟惟墨翟測算旣
窮神用兵能拒敵儻令致廟堂何減僑肸績其餘或寓

言恢詭恣胸臆莊生若士遊列子化人國論文雖較工
覈用乃無益况經秦火來真贗雜璿石擇言須大醇韓
子庶深識

積善云有報夷叔成餓夫惡人必被戮石董昇天衢聖
人罕言命實恐成拘墟道家語感應祇以砭蒙愚奈何
簪組士敬信逾詩書噉名始好善忠孝先已淪張歐不
按吏何以懲貪污游吉不誅盜終將全雍除謬同婦寺
愛害乃家國俱仁慈豈不好流弊成矯誣哀哉鄭巡撫
縱賊生罪龜廣西鄭巡撫祖琛每殺一囚必爲之飯僧
超度三日所以盜賊肆無忌憚嘯聚益多
遂釀洪揚之亂

史官肇沮倉原以司載記但求據事書已自判涇渭不
聞褒貶專褒鉞得任意孔門撰春秋聊以救衰弊何哉
握管儒動欲援聖制前者王仲淹後者朱元晦評隲縱
大公僭經得毋汰更奇六一翁矣學尼山例朱溫云病
崩不正獍梟罪梁帝非魯桓何必代隱諱虎賁效中郎
貌同乃心異

禱乘紛錯出稗官多異書溯從三代上已復人人殊帝
堯謂幽絜伊尹云被誅老聃受仙訣管仲與女閭狂言
肆污鱖魚目能混珠卓哉龍門史一一皆刪除允爲南
董亞詎等班陳疏後儒識遜古紀載多繁蕪錦綉辱唐

閻斧燭疑宋儲千秋被誣謗孰洗青蠅污宜乎柳子厚
深嫉脩史徒立言偶不慎刑戮難蔽辜

呂刑律三千周制想大備僑析鑄刑書未知定何意我
讀令甲編蠅頭叢小字比附依經文是非憑眾議熟誦
固已難况兼頻易置去歲甫新章今年成舊例減增任
私情祇便蠹胥計曷若姑置之準情勿拘泥惟餘大綱
存外此悉捐棄漢約只三章何嘗尙苛細

佛郎旣已震四海無堅城烏槍旣已盛萬古無勁兵孫
吳韓李輩陣法何縱橫迄今舉無用擊刺安足稱忽思
宇宙内生尅惟五行聖人豈忘備未忍戕蒼生火攻旣

猛烈惟水能爭衡，盍求竟沒士。俾建嫖姚旌，決河灌安邑。壅水淹曹榮，天瓢下倒住。盡翦狸與鼯，海氛尙未息。此舉何時成，出門仰天望。睽睽明櫬槍。

西北多污萊，河渠乃善政。要須順土宜，泥古亦民病。我

聞鄭白渠，土石日堅硬。觥觥桂林工，

陳文恭公宏謀

開鑿未能

勝昔時，深澮涵今只。細流迸又聞，津淀旁禾稻茂。垂穎

創興得賢王，

怡賢親王

奔走咸劇令。未聞畿輔南，果見倉箱

慶水利，非易言。肥磽本無定，陳編詎足憑。引驗須目證，

不然隄築勞，反恐傷民命。世無單

鈔 郊 廩

才，安有神禹

聖君看翟千威，致譏黃鵠詠。

昔人富在農今人富在賈浮梁輕薄兒挾貨權子母連
檣高似山珍貝儼天府可憐石戶農短褐歷寒暑佃耕
豪富田甘與隸奴伍稻梁豈非珍朽積化爲土金玉豈
療飢流通遍寰宇我昨觀農書並緡課耕諧盛稱沃野
饒籌車滿積貯思辦長柄橈鋤雲向園圃豈知唐宋來
致富匪倉庾奸僧日以豪力農日以苦世運誠使然長
歌淚如雨

鄒衍談九州一行稱兩戒古昔有荒遐屏之在海外覺

始明鄭瑄

三費太監

採珍向荒裔示以囊橐豐纍纍悉珠貝

共傳中國饒市舶紛蒼萃始貪權稅贏終受蕭牆害朕

兆萌前朝潰癰近難制所以古帝王清心絕奢忭飛鳥
妨時衡遠謀實深邃侵晨有客來辯舌工語怪貽我泰
西書夸誕極茫昧或云銅人高兩踝跨海滙或云羅馬
城雄偉天下最一笑姑置之夜郎空自大勿學徐光李啓

之藻

流服膺從利

利瑪竇

艾

艾儒略

明經以取士所得多匡劉詞章以取士所得猶柳歐奈
何設制藝體格原不侔絮談若翁媪按拍如俳優揆之
聖賢理渺若風馬牛邇來更變幻豪奪兼巧偷甘爲沈
約賊或就温岐謀誰能救其弊解送先郡州略如晉中
正九品分等流試官始評騰珊綱聊寬搜徐於再考日

矍圃嚴去留鄉評苟未協一筆均從句庶幾龍劍躍或
免魚目投吾思建此策天路森悠悠坐見芝蘭棄菘菹
盈道周

疇人既失官分散在遠域歐洲得其傳句股多造極近
來江浙儒亦半明算測我謂祇皮毛豈能踐闔闕古來
製器流桃棗皆世職西儒雖未然亦任工與役矢弧既
已明製造尤深悉中華嗜學人習算已難得名盛志易

驕分尊身愈惜安能逐眾徒巧鏤雜狼籍梅文辭鳳空

繼蹤李銳羅琳紛接迹何曾創器工果與外洋敵竊疑

求異才不必一丁識惟茲匠藝流轉或工倖值此語然

不然試問斲輪客

金石古未聞歐洪實作俑翼以趙明誠繼之鄭漁仲遂
令妮古徒嗜此若骨董搨手辨陝齊紙文認元宋尋常
甃瓦甑價值等珪琪我爲解脫觀物久漸珍重譬逢百
歲翁耳目暫驚聳未必漢唐來文章果殊眾點磔盡鵠
繇述經皆賈孔況茲壽世文大半刻巖洞自從好事多
椎拓爭接踵攀援陟巖巒鐫鑿徧邱壠得無洩天倪造
物亦驚悚苦心極搜羅藏弄亦安用哀彼莊叟言詩書
眞發冢

世人慕神仙神仙亦何樂勞勞禮玉眞冠帶事束縛復

有青童君校籍時擯落正如弋科名詭失復詭獲最苦
尤謫仙金庭禁栖託伐樹若吳剛終朝勞斧斲守廁若
淮安垢氛誰洗濯縱令壽萬年快意定奚若儻哉秦漢
皇乃欲求大藥

佛法從西來文字未常起煌煌四十章大義說倫紀似
聞鬱單王飲饌極豐美閻浮采女多亦任曳羅綺奈何
緇褐徒棄家絕人理色戒禁癡淫齋廚甘薄菲儻使瞻
部洲皆尊大雄氏人類盡早亡誰復傳宗旨竊疑祇洎
先立教未應爾一切誕惑端都由徒眾始

文章本公器安有宗派傳所陳視所蘊何藉心聲宣才

高力自厚弱者徒喁然近來承學士門戶紛拘牽導源
始永叔接延惟震川方姚共鄉曲敬奉心香虔其餘雖
鉅手參立難比肩細惟乾嘉際珥筆多才賢騁詞戶韓
柳述史家談遷豈其一隅地得據詩書權蜀人每誇蜀
燕客還詡燕寒蟲自言好可哂亦可憐

詩以道性情推敲乃餘事自從目論多真性益茫昧杜
老悉愁悲東坡全諷刺傷逝義山懷憂時放翁志附會
字字詳疑真復疑僞大凡著述中莫若詩話易鈔撮半
月勞聲名一朝致嚴羽師陳師且未工外此同鄩自安得
呼祖龍付之烈炬熾盡埽蒙翳談庶標第一義

寄懷馮越生舍人同年

秋宗都中

此才端許軼應劉，易水燕山快壯遊。
別有閒情歌滿月，未妨傲骨詔凌秋。
樽前談笑陳驚座，日下才名趙倚樓。
今日鷓鴣多勝侶，可知湖海有閒鷗。

昔年捧袂喜頻叨，翹首長安盼望勞。
愧我雌辰千古笑，

讓君先甲一名高。

李義山詩一名我漫居先甲余同榜名次適後君一名故云

江湖

漂泊詩才損風雨，悲歌劍氣豪爲語。
近來惟縱酒更無

狂態讀離騷。

補元遺山王漁洋論詩絕句

接迹風人有正聲，何須枚叔強題名。
當年西晉先摹擬

豈待昭明始合并

古詩十九首玉臺新詠以西北有高樓八首爲枚乘作然考陸機已有擬

古十二首亦不云枚乘則知十九首標目或昔人所題未必始於昭明也

蘇李才名足雁行
參差胡越亦堪傷
可憐一代風騷手
不共賡歌向柏梁

二陸才華震洛京
碑文賦頌果崢嶸
若論詩體多平直

應訝吳儂浪得名

二陸優於文而絀於詩鍾嶸謂其尙規矩不貴綺錯有傷直致之奇亦篤

論也陳祚明詆爲敷衍淺庸性情不出尤深中其病

漢帝燕王氣壯哉
幾時海上見金臺
須知託興殊深婉

未許曹唐學步來

郭景純游仙詩燕昭無靈氣漢武非仙才似規諷王處仲而作

醴陵錦段本天章
雜體臨摹總擅場
自向詞壇開杼柚

未應全爲建平王

江文通雜體三十首近人張宛鄰解爲諷建平王恐未必確

善寫風情晉宋謳發情止義最綢繆試吟沒命江南渡

凜凜何嘗異柏舟

晉宋閒讀曲子夜白紵等歌雖云艷詞時有三百篇遺意如云儂作北辰

星千年無轉移即大車儻日之誓也若不信農時但看雪上迹即雞鳴風雨之思也風波了無常流滄江南渡

即柏舟匪石之旨也若慨以輕豔詆之真眯目而道黑白者矣

蕪累從來笑子堅想應佳句近稀傳我從二酉遺書見

片語何嘗似謫仙

杜詩李侯有佳句往往似陰鏗然李詩實與陰鏗不相類近人張澍二酉

堂叢書輯有陰常侍集較明張天如所輯似稍勝之

東海三何果最優黃門談藝漫苛求縱教寒儉如貧女

終是傾城第一流

顏氏家訓稱何遜詩云論者恨其每病苦辛饒貧寒氣

宮體輕浮世競嗤
孽媵酬唱總淫詞
祇應樂府多奇製

剩與蕭樓作拾遺

玉臺新詠皆宮體詩語極可厭惟樂府詩如孔雀東南飛翩翩堂前燕等

作多有昭明所未收者亦可存也

少陵詩骨迴蹁躑
心折凌雲筆似椽
冰水青藍原定論

莫輕軒輊到前賢

庾子山詩自是一時作手武林陳允禧謂少陵不能青出於藍未免過譽

余謂元微之云排比鋪張此四字不足盡子美之長以況子山詩却恰合

越公楊素詩雄拔盧

忠道

庾直同時亦儁才不解燕梁泥

落句却教天子獨疑猜

朱鳥高懸有重名
卽論詩骨亦錚錚
故應獨步開天際

素練輕緜詎定評

張子壽九齡

漫將綺語薄齊梁諷諭由來託短章
題句鶴樓齊頰首豈嫌開卷見王昌

作畫逃禪事事工晚途翻比鄭虔窮
藍田別業難高臥

却覩槐花落故宮

王摩詰維

盛名李杜合齊班撼樹虬螭也等閒
未許元人輕學步

一篇奇作賦南山

元人於北征南山皆有擬作

不作仙詩作鬼詩獨開生面劇離奇
樊南記室都心折

也作邯鄲學步兒

唐人集中若劉言史陳陶輩多有效長吉詩者卽義山七古亦多如是可

知長吉壓倒才人不少以玉溪之才向步步不敢失則此後如元之朱子虛楊廉夫明之徐青藤輩又不足言矣

斷簡零編幾許傳香奩詩在致堯先談兵夙負幽燕氣

翻令傾心沈下賢

義山樊川皆有沈下賢詩其語大抵香奩之類

丁卯詩名未造誇風雲氣少似張華從來甜俗投時易

爭賞徐熙沒骨花

許渾詩李遠賦不如不作唐人已有定評而陳雲伯大令頤道堂集論詩

極推尊之
深不可曉

誤盡時賢主客圖紛紛佳句勝聯珠一鱗片甲爭矜詡

全體神龍果見無

張爲主客圖始有摘句務搜奇闕異於一聯中然詩格自此卑矣

西崑格調豈全卑藻密思清冠一時解作楊劉非易事

勝如吳下性靈詩

夕陽春水經年對吟苦真同山澤癯不獨澶淵功第一

詩才兼亦冠東都

曹能始云宋詩選始萊公以其近唐調也

墨梅佳句久馳名學杜人傳格律精能共蘇黃分席否

品題端要待鍾嶸

簡齋自言詩至老杜極矣蘇黃復振之必識蘇黃之所不爲然後可以涉

老杜之涯淡

滄浪詩話妙機鋒解識旁門並正宗試問羚羊輕挂角

何如香象渡河雄

感興詩成筆有神何嘗語似腐頭巾崛興南渡當推首

風格居然魏晉人

少室山房詩藪大抵南宋古體當推朱元晦近體無出陳去非

老作祠官過一生鑑湖風月劇關情無端振觸龍沙感

鴨綠江頭射雁行

陸放翁游

恥效韓門獻媚徒錦茵紅縵漫相污如君風節過韓杜

只惜篇章格稍粗

誠齋氣節自足千古詩則粗豪鄙俚未爲正宗

堯章詩律邁南湖近體清新態絕殊却怪選詩吳孟舉

徧搜鱗甲失驪珠

吳孟舉宋詩鈔不錄姜白石詩

桑海英風語崛奇西臺晞髮有餘悲縱云變雅多哀怨

較勝江湖細碎詩

樂府淋漓氣格適何曾坡谷肯低頭玉谿花柳西園樹

閑殺纍臣白髮秋

遺山深不滿於坡谷嘗云論詩寧下涪翁拜又云論人雖甚媿詩亦豈不

如蓋指坡公也

野史亭邊徧網羅完顏文字萃千家如何錄到曹王作

真歎淵明白璧瑕

中山集有劉豫詩真全書之玷

楊前揭後見斯才疥馬晨參史局開一髮江南聽雨路

爲誰輕棄太湖來

虞伯生集

禮秀原堪殿四家步春游女比風華十年夢斷絲絢侍

猶憶宮前賜橘花

揭曼碩侯斯集中有十月十八夜南郊齋宿夢先帝召見便殿手賜橘花

一枝有感
作詩一首

飲馬溝邊語未宜五京國制幾人知不論考證論風格

一騎離支句自奇

楊瑀山居新語嘗辨薩雁門宮詞紫衣小隊及飲御溝爲不諳國制然杜

牧之詩一騎紅塵妃子笑無人知是荔枝來迺齋閑覽據通紀以糾其失蓋詞人之作固不必事事徵實耳

老鐵歌行實罕儔自成面目足千秋絕憐辛苦摹昌谷

能飲金莖解渴不

元勳佐命畫雲臺餘事謳吟亦壯哉合作一朝風雅祖

辦香元自道園來

劉文成基

妙筆能令百媚呈獨嫌骨格未堅貞儻教年壽逾開府

應信波瀾老更成

高青邱無家不學無體不工而究未自成面目蓋年限之也

早年吟社壓騷壇題畫詩成血染斑輸與鰻魚東海去

烏犍殘笛九峯山

綽約風神似柳枝大都填入倚聲宜詩詞本有鴻溝限

宋季元初若箇知

楊孟載基朱竹垞嘗摘其詩十數聯謂填入浣溪紗皆絕妙好詞云王

元美稱其詩如西湖柳枝綽約近人

樂府雖云古意淪何妨別調任新翻試看茂倩全書例

杜老香山本並存

王元美謂西涯樂府有類於小學未免失之太刻

江門嘯詠一蓑秋樸淡原推擊壤儔當代桓譚疑絕少

豈期傾倒有弇州

陳白沙獻章

早躡金門得狀頭南冠長謫竄荒陬禮詞麗句篇篇是

不似湘纍去國愁

升庵以相門子放逐滇南乃其詩豐縟綺密絕無怨誹之心蓋其胸次高

曠誠非諸人所及

嶺外鍾奇比國琛當年朱十最傾襟太常法曲雖諧婉

恨少穿雲裂石音

靜志居詩話推許吾粵區海自甚至然其詩雖有婉情殊乏生氣似不足

當竹垞所評也

漢魏風謠易效顰但防摹擬汨天真杜陵談藝洵千古
拈出清新最可人杜詩更得清新否又云清新庾開府
凡擬古而不能出機杆者皆未清新
故也明七子
多犯此病

唱蓮花落笑唐衢放縱何曾格律拘未解青蓮真本色
任將西抹更東塗唐伯虎寅

松圓筆致本輕快蒙叟推尊疑太高比似晉人才語好
豈堪奴僕命詩騷程孟陽嘉燧

牛耳東吳一代雄暮年碧血殉孤忠劇憐瑜亮梅邨老

雞犬淮南恨未窮陳黃門子龍

文運應隨

治運新預教詞囿闢荆榛

國初諸老饒才藻半是雲閒入社人

石火風輪一瞥過嘔心幾輩苦吟哦但教礪玉能相抵
似此篇章正未多

劉文成公琴歌

羣山嶢嶢水瀾瀾迸作寒聲赴纖指古琴彈出哀以思

故物云傳郁離子八十餘字騰虹精清琴堂中

公堂名新

製成當時琴曲有遺譜或撫七尺求新聲

客窗夜話有公所作琴曲

數段如公才略曾誰似草昧經綸先奮起動烈能將留鄴

儔詩才直合高揚比比此琴相伴誠得人當年寂寞形影

親永嘉縣前江氣靜青田山上烟雲昏一彈風雨泣再
彈天地春離鸞別鵠豈足道中有至治元音存不知幾
時流落到蠻徼但見摧殘剝蝕梅花紋主人愛客相招
致玉銑金徽共矜異江山回首一高歌坐覺蒼茫生古
意請爲奏作梁父吟君臣遇合千載深功成不作華山
隱此事或恐留苦心更爲徐彈變徵曲孝陵墳上多樵
牧江左年來未息兵雞鳴十廟空遺躅彈指滄桑又幾
回紅羊刼換不勝哀感時懷舊情無限一例南來綠綺

臺

詠鸛鶴

稻梁主恩在豈敢惜摧殘啁啾呼名誤聰明入世難畏
人拚試俗得意免號寒繡閣臨風倦雕籠取次看

謁慈元廟

一代餘遺迹千秋此塹門偏安成創局耐祀及忠魂正
朔歸窮島儀章缺奉園烟塵諸路改風雨百靈尊往者
災頻降於時寇正繁矢心誰復楚出狩類居温翊戴空
遺志艱難屢改元流連及閩粵籌策失襄樊突騎氛還
熾盈庭議始喧龍歸雖已晚薦墮冀終援倘使雲臺議
無煩灞上屯檄飛同傅永戈枕待劉琨國步嗟長此天
心竟莫言渡江憐馬去填海惜禽冤運數南朝改星辰

北極翻似聞疲戰伐何術固籬藩城闕幾危獸諸軍竟
化猿稽山殊氣盡秦望紀星奔玉璽知難問銅仙淚亦
揮鳴笳思將士佩玦泣王孫天地扁舟入山河塊肉存
直猶堅伏劍幸未樹降幡故俗嗟遺老叢祠賸短垣村
原荒日色軒砌過潮痕竹送清溪曉苔書玉珮昏碑題
名士筆簞豆野人殮側想干戈際誰憑節義敦森嚴留
正氣割據恨中原搖落看長昔悲歌且莫論向來懷古
淚一灑問乾坤

人日獨遊花埭

東風日日吹晴莎鶉鳴喚雨芹努芽坐窗不遯苦岑寂

買渡試上橫江槎一舟延緣若沒鷺萬徑曲折如修蛇
傲傲臨岸水楊柳焰焰迎日斑枝花就中牡丹更奇絕
姚黃魏紫何紛拏載從海舶數萬本壓倒嶺外千古葩
道逢游衲笑語我此地昔日殊豪奢明珠翠羽估舶至
金細寶珥游人誇雕闌重重護獸錦危檣裊裊裝象牙
邇來車馬轉零落臺榭蕭瑟如山家我聞此語三歎息
未免懷古深咨嗟嶺南富麗甲天下衣珠饌玉紛奇邪
將無物力盡殫罄豈是風俗回淫夸溯從津滬別通市
洋舶麤附趨中華粵江偏僻漸寥寂聚散倏忽悲搏沙
沉聞算緡日下令榷場稅廠多如麻窮檐膏血已枯竭

豈易繁盛如乾嘉長民高官罕理事曉鼓每向黃紬榻
不須課種武昌柳亦勿輕拔崇陽茶但令休養元氣復
樂歲豐稔聽鳴耒瓦盆聊可助村飲絲絹勿用輸官衙
自然家給萬戶樂操躑祝稔盈籌車卽如此花爛紅紫
顏色豔逞天台霞往時價高近逾賤足驗衰盛知隆窳
嗚呼亂離近廿載曉烽夕燧馳天涯所期字民覆轂殼
慎勿竭利窮魚蝦狂歌起舞接羅倒冉冉日影西山斜

諸將八首

蝟鋒螭斧粵西東叢箐深山嘯聚雄自有旌旗來駱統
不教符璽誤張豐東隅儻共援防力南紀何憂杼柚空

今日籌邊來劍外蕭蕭華鬢老元戎

先帝原知向寵才征南幕府已頻開犬羊未見灰釘請
蟣蝨曾生介冑來豈謂壺頭空駐節翻令馬革竟成哀
流蘇素旆揚州去愁殺虞歌載道回

更憶鳴陽壯志存銜刀一死荅

君恩凶門易鑿胡僧祐勇氣頻矜李嗣源都護只今呼
部曲國殤何地禮忠魂黃腸玉具哀榮甚誰識心肝奉
至尊

詞垣重監數胡寅手握軍符誓致身直以忠誠扶

國運何嫌薦剝遍鄉人羽綸瀟洒欽名士鎖鑰森嚴寄

重臣難得異才逢，倚相談兵油幕氣輪囷。

殺氣沈沈嘯九鶴，絕纓何意到名王。程侯家本承忠孝，
虬族軍原號鷲驃。騎空營餘毅魄，琅琊大道罷歌章。
皖齊父老都流涕，痛指寒雲憶戰場。

昭代龍興部落繁，代仿簪笏暨初昆。名家遞行猗蘭葉，
大族渾如古柏根。化血淒涼悲遠域，銜鬚惻愴望修門。

塔公

齊布

淪歿多公

隆

阿繼差報

熙朝豢養恩

吉語吳閩幾日傳，平淮李魏總戎旃。早知米賊終平殄，
不藉花門爲結連。義合三番唐子弟，策分四路漢樓船。

大農莫下催租帖燕子田荒已十年

轉戰沅湘握重兵南豐韜略夙知名上公位早符星宿
僕射恩原似父兄兵革卽看消劫運瘡痍何術慰編氓
百年休養人才眾拭目天南望治平

贈梁庾生茂才

以塘

近年伯鸞子詩好眾人傳傲骨少同輩綺懷方妙年聲
名同玉茗詞賦儷金荃風雅南園替期君拔戟先

鄭板橋畫竹季平弟屬題

北風吹山撼坤軸魑吟魅嘯猿伏哭殺氣沈沈動林木
迸上板橋畫中竹板橋作令萊子城脫略檢束忘公卿

前身定應與可叟不爾那得形神清種竹千竿滿官舍
時時科頭竹林下諦觀枝葉皆有情便覺此身隨竹化
陡然提筆不自休腕底驅出風颺颺一竹直挺頎而修
數竹欹夏清而稠旁有數叢枯籜留錦綉脫出斑筍抽
晴雲晝盜鸞鳳叫石氣黑入蛟龍愁是時沈沈正秋月
琅玕梢頭露華滴庭前壁上相映高併作蕭森青玉色
我疑製此非人工乃是天機貫胸臆板橋板橋朽骨今
百年揚州兵燹餘荒烟憶從乾隆物力盛淮商晉估饒
金錢盡堂屏障乞揮灑輦致財帛赭雙肩紙高三丈價
無偶勝買簑社湖中田如今好事安可得斷素零縑人

不識竹平汝亦經滄桑似有淒淒淚痕積吾弟畫竹亦
有神寶此尺幅逾祕珍每逢雷雨愼扁鐻勿使踴躍延
平津畫前數峯殊不俗倒揖篔簹千頃綠他時聽雨客
對牀我願偕來結茅屋

分和宋方孚若南海百詠

錄九首

法性寺

古寺猶傳法性名坡陀石座薜痕青高梧不動月當年
白鶴自來香滿庭老輩文章應好在前朝兵燹幾頻經
我來但訪南能塔風雨蒼涼讀斷銘

風旛堂

禪機頓漸漫同看解倒風旛亦大難昔日確春曾賤役
時來衣鉢也爭端經幢苔繡竒文古鐵塔風搖暮影寒
佛法尙聞南北判紛紛塵世況波瀾

浮邱山

煉丹餘種已無傳空指朱明舊洞天嶺嶠閒游宜老少
風騷餘局換神仙山頭明月圓前夢海上黃塵話夙緣
我本經生來問字好憑訓詁證毛箋

朝漢臺

袖手羸劉逐鹿餘中原鼎沸此安居山川形勝平蠻策
嶺海文章報漢書荆霸遺墟承有界徧安殘局陋無諸

柏梁承露雖矜詡比較風流恐不如

葛仙翁煉丹石

舊觀憑誰問碧虛煉丹遺石至今餘業耽高隱辭封爵
苦戀浮名尚著書只有劉樊能比數便同期羨更何如
嶺南定較江南好也有神仙改卜居

鮑姑井

丹竈荒涼碧蘚乾沈沈古井尚波瀾傳家忠節真無忝
得壻神仙亦大難雙燕往還曾戶外九龍清澈又雲端
我來自愧塵根甚願乞竒方白石餐

白雲洞

不羣綿濛曲徑斜白雲洞口白雲遮古潭微颺鳥遺羣
荒洞自陰龍蛻牙棗實蒲茸方士宅竹籬茅舍野人家
磨崖要勒懸鉤字好令人疑蔡少霞

順庵

居然樂府節中興秦柳蘇辛想定評逐客何堪論寵遇
詞人不幸急功名銷沈瘴氣靈荒徼彷彿朝班夢舊京
腸斷蒼梧殘照在年年花鳥不勝情

達摩石

佛法從來淨六根況教遺迹在凡塵如何一片臨厓石
尚憶千年面壁人繞徑碧苔看細細緣溪疊浪濺鱗鱗

閒來悟得無言意穩坐跌蕉日幾巡

重修梁藥亭太史墓

國初以來論風雅屈

翁程

海日

陳元

孝王

說

作

皆健者藥亭獨

出尤嶽寄筆陣詞瀾恣揮灑公昔生當離亂時五噫曾

賦不勝悲淒涼天地餘詩卷搖落江湖有鬢絲當時入

粵多名彥握手羊城喜相見槃敦能當北地豪琴尊屢

啓西園醺卅年回首夢長安簪紱纔膺宦興闌才子更

誰同晚達詞人有例作閒官歸來罷奏凌雲賦茶竈筆

牀聊小住井水齊歌柳七詞弓衣慣織堯臣句暮年詞

賦獨蒼涼掉鞅騷壇孰敢當百首共傳新樂府千秋猶

認舊靈光劇憐身後空蕭瑟總帳素車能幾日舊贖雷
琴已散亡新藏細表都殘佚卽今遺墓賸斜陽麥飯誰
燒宿草荒丁鶴儻歸應繫戀鮑墳頻唱劇淒涼流傳翻
藉詩名在石馬遺蹤猶未改挂劍高風近已遙

墓曾修於吳荷

屋中丞

沈碑故事知誰待却想當年感慨存簪毫紫禁獨

承恩回軒巷署徵書下離垢園開野服尊淒絕年來
墳樹綠富貴從知如轉轂椎牛已復少遺孤下馬何人
訪高躅松柏蕭疎眞屢崇欣聞梓里爲鳩工舊時壇坫
無餘子如此青山好屬公撫時却話烽烟逼賸水殘山
空寂寂太白樓高已莫尋未陽墓遠知誰識一盞寒泉

獨薦馨蘭湖社事亦飄零西風一掬懷人淚我似吳江
計改亭

珠江放燈詞

瓊枝碧月總尋常密密疎疎簇兩行四萬人千阿育塔
幾曾同日放明光

無數芻船隊隊回靈風吹滿一旗開火城萬丈分明現
疑是元昌帝子來

兩岸中流發棹歌畫船報賽往來多千筵供施同伽越
十曲鏗鏘奏曼陀

紛紜弦管沸天喧嶺外繁華試細論他日閨燈傳實錄

好憑佳話補中元

後珠江放燈詞

有序

放燈之戲吾粵爲盛焉爾其處處珠簾家家鏡檻游舫
絡繹多於鯽魚微波欲生炫比鮫采鸚林百樹金毳一
函藝靈麻而避風聞薶澤而中酒舊俗所沿由來舊矣
顧以彌年氛祲累歲輸將縟川藻野曾非昔比嗟乎空
花易散因果誰如鶴言城郭之非龍嘆沈淵之涸傳芭
代舞還禮國殤奉麩輸誠難尋舍衛雖復時移世異而
物力之殫亦可見矣因擬後珠江放燈詞六首亦聊以
誌土風之盛衰云

烟柳蕭條第幾橋
畫船無復鬧笙簫
誰言無限蒼涼感
分付珠江上下潮

寶筏何曾度眾生
低眉尊者亦無情人閒
果盡修羅仗
親見狂花雨甲兵

曼衍魚龍遍九衢
曇花一散總區區
不知海印江頭月
曾記珠歌翠舞無

唱唄空憐懺悔遲
飄零戰地不勝悲
模糊可有忠魂在
夜夜淒涼哭水湄

不見伽藍訪洛陽
善愁洗馬正茫茫
我來恰似陶菴叟

流涕當年世美堂

見陶菴夢憶

夢梁餘錄續遺編轉瞬輾輪只眼前白髮漁樵閒話舊
風流不似道光年

江上送客

可嘆垂楊柳蕭蕭江水開東風吹漸綠幾日送君還余
亦耽幽隱無錢可買山聊持一尊酒痛飲破愁艱

山行遇雨

自從入春數十日日日晴霽無昏雲侵晨度嶺欲緣磴
手豁塵翳開蒙茸千尋攀折屢紆顧百丈陡下如蹈空
黑雲盤盤黝如墨勢與峻嶺相爭雄老夫豪興未肯住
談笑欲奪天無功軒然大波隘宇宙翕忽雷電相奔從

嗶吹大聲裂鐘鼓錯雜圓陣交矛縱長風倒輸浩浩
石壁橫截雲溶溶坐疑鬼神互恫喝臥恐天地相撞春
口怯神悚坐脅息作戲豈是豬泉龍細思物理頓有悟
此事未必由天公人生爭逐若傀儡世事紛擾如梗蓬
達觀自可混夷險玩世何必拘窮通俗情攘奪日轆轤
有似得失爭雞蟲雨雲翻覆自來幻冰炭寒暖還相攻
風波平地汝未見而此是懟真愚聾況今春田正待澤
日日牲幣祈雨工泥塗困淖豈足慮喜見襁褓歡村農
平心領悟忽自省頓覺芥蒂消煩胸扶傘前行效老衲
理益作戲看羣童歸途日暝客亦倦山下濁浪流淙淙

二十初度

廿年虛復忝儒冠日向叢殘故紙攢家累尚稀營祿易
名心未了著書難慙殊高密淵源接且學斜川唱和歡
睽睽慈暉恩莫報敢云高尚隱過槃

避地頻年厭鼓鼙飄零琴劍故園歸聞雞帳裏無長策
射虎山頭稱短衣難買田園追陸賈偶思親舊訪王微
浪游我亦遼東鶴城郭如今有是非

早歲才名忝乙科天門塌異惜蹉跎紬書怕讀窮愁志
拓戟聊爲偈仄歌世事如棋難預料年華似墨豈禁磨
由來萬事居人後莫學潛夫憤激多

茵溷隨緣聽適然不多家具贖寒氈貧來賒酒還逋券
病裏緜繙經欲證禪馬骨幾時終入市鼠肝何者亦由天
商量蠶笠躬耕計可有南村下澗田

漢平津侯公孫宏印歌

嗚呼漢皇親策士轅固韓嬰不得意却令東海一布衣
首掇巍科致高位古來選舉自無憑得失紛紛任兒戲
眼明見此三寸銅細辨尙憶平津封陰文旁列兩行細
苔色散點千年紅當年遭遇承平世肘後黃金已堪繫
署色曾裁卜式書簽名或用張湯議我思周秦以來書
法繁凡將滂喜何紛紛王君章草晚兢出斯邈遺製傷

沈淪邇來五銖亦僞製輪廓半去形模存何如此印得
古意細辨尙可求形眞想其落筆極幽雋呼吸妙氣蒸
元雲漢瓢出地今屢聞鍊盆銅洗皆足珍况茲藏弄見
手澤論價足抵球琳琅玕嗟余漂泊但南北琴劍蕭閑空
寂寂招賢東閣更無人牢落風塵誰物色休言曲學但
干時愛士如今并難覓回首滄桑一喟然柏臺承露盡
荒烟君不見茂陵玉盃今難問寸紐區區却倖傳

謁東莞袁督師祠堂

百戰遼河屢合圍屬鏤一賜竟難歸漏師悔殺由中貴
公議翻令屬布衣

程更生布衣有游聲記
磯聲記辨督師冤甚詳

明月上天騰

不考本堂詩話卷三
謗易怒濤捲地故心非淋漓痛憶

先皇詔異代孤忠藉表微

贈高三承壽

高侯落落孤鶴姿澗松坡竹饒霜髭吟詩千篇望牛背
飲酒一石浮鴟夷平時作詩有真意筆底稜稜見秋氣
橫空天馬奔霜蹶刷羽秋鷹作斜勢不知天公有意無
往往鉤探遭物忌一通黃綬猶蹉跎十載青衫獨憔悴
君言少日多壯游燕齊吳楚兼越州下牀動足有萬里
大笑睥睨輕王侯北風如山雪壓屋昆雞夜蹶海烏續
酒船拍浮苦未足起舞高歌詠黃鵠杜老聊爲塵土吟

李白豈受蓬蒿辱如今四十猶粗官未免風塵嘆勞碌
高侯高侯才絕奇長吟坐嘯百不知男兒墮地好身手
要令肘後黃金隨讀書殺賊易易耳豈可久受塵中躡
不然故山歸計足笑侶魚蝦友麋鹿處處江頭帶白蘋
時時峯裏聽黃鸝獨鳩江濱于湖曲有田百雙酒百斛醉
拍銅斗歌嗚嗚如此生涯頗不俗安用窮途相刺促酌
君酒爲君歌今君意緒常苦多黃雞白日相催過少壯
不樂奈老何

呈王定甫副憲師

拯

文采風流海內知東南壇坫仗扶持中書散騎王筠集

御苑仙莊李又詩嶺外英靈原有數朝中掌故總無遺
微生自忖良多幸得共歐陽也並時

儼直西曹佩玉莪又傳給札奏巒坡往來只用雞棲乘
體製能諧鷺鼓歌雅令清談追正始淋漓鉅製壓元和
獨餘憂國增歎歎請看霜臺諫草多

苦厭浮榮賦遂初移旌嶺左更躊躇二年又喫東坡飯
兩廡平分北郭居座上元戎來問字案頭蠻估競求書

不堪重話前塵事腸斷婆砧課讀餘

公嘗有婆砧課讀圖

曾記師門七載緣欣從立雪聳吟肩河汾門下尊詩禮
安定堂中盛管絃小草何堪承雨露弱材終自藉雕鐫

莫因泉石牽歸夢多少東山望大賢

楊貞女詩

貞女慈谿人許字葉氏子金齡未嫁而寡矢志守貞又數年乃卒貞女之兄理

菴太史同年泰

亨爲繪圖徵詩

黃鵠去萬里中道相飛翻噉然回顧起哀唳惻愴酸痛
摧精魂楊家有女乃在南鄉村十三學織素十四能
織紉十五始及笄媒妁來議婚聞有葉氏郎文采紛翩
翩何以通報問佳日爲吉蠲何以致殷勤嘉禮先告虔
女蘿施松柏厥理固亦然一朝失所天涕泣號九閭含
涕向母道願歸葉氏門生死縱相隔恩義寧當分願爲
獨棲鳥病羽高舉凌秋雲願爲孤生枝繚繞蒼翠同松

筠廿三適葉氏上堂奉晨昏舅姑笑相視婢媪無閒言
謂女貞且淑謂女明且仁庭中有橘樹隨風何幡幡上
枝亭亭出下枝交柯錯鐵如屈蟠阿女痛哭擗踊於其
前白日當天心照見阿女蹶血痕女死完厥志樹死妝
厥根悲風苦雨淒且繁日色慘慘寒不溫舅姑聞女亡
擗擋何紛紜婢媪聞女亡含淚同酸辛謂女貞且淑謂
女明且仁原頭鬼伯互促迫一朝夜壑長永淪堂堂大
府來拜表

天闕陳煌煌

絲誥下綽楔旌門闈我知阿女心不願名上聞但願所

撫孤兒溫飽無吟呻在烏爲精衛銜石來海瀕在木爲
女貞芳郁榮冬春生當合耐祀死當同冢墳年命有代
謝耿耿心永存豈惟心永存庶使薄俗寬而敦婦姑無
勃遣娣姒同循循如金自在冶如泥自在鈞古來禽獸
尙感格況此戴履蚩蚩民深山陵谷有遷變烈女之烈
長弗諼

東庾生

梁侯才筆天所縱霹靂飛黃發霜鞞九流七略曾徧窺
十乘五車能闡誦奔騰口畔懸黃河磊落胸中起雲夢
時時嘯詠出蓬蒿不問嬰餅今幾空邇來大雅久淪落

賴汝雄軍能獨控方陣圓陣橫參差大兵小兵齊錯綜
有時塵囂類致楚亦或鼓儼同伐宋嗟余偏師輒往來
大似越鄒難伯仲今年

詔下舉賢士杞梓盈廷備充貢獵場旣開膽益厯寶藪
乍搜才愈眾方疑廣術蹶力奮便合天門羽車紅嗟哉
鹵莽又無成逐逐魯郊徒一闕引繩鼎重或難扛投矢
壺哨竟誰中世人白眼相訾警我乃軒渠未嘗慟人生
得失自偶耳勿受天公爲播弄身前爭逐兩蝸角世外
浮沈一雞甕要當屎橛同等觀肯使疥疣作吁恫況聞
大器必晚成過眼浮雲竟安用今晨霜威漸逞虐黜黜

寒雲變輕淞庭梧槭槭應漸稀畦菊離離舊曾種良辰
美景何處無不解領取定愚蠢題詩百篇尙嫌窘飲酒
千瓢猶未痛幾時相過同高歌火急寄詩聊一哄

綺懷六首

銀雁參差信息沈碧城十二盼佳音縑絲園客容常少
贈藥神君事莫尋天上靈禽原有種人閒獨樹不成林
除非青鳥松喬使省識纏綿此度心

枇杷花底幾重彎吮墨然脂恣往還手拍愛調珠絡鼓
指痕親驗玉羈環淒涼曲調丁都護綽約容顏謝阿蠻
願作瀛洲三秀草託根長共近蓬山

雲雨荒唐誤楚臺別聞解珮向江隈驚看黃鵠終分散
奢莫文鴛或喚回紅蠟成灰心未死銀蟾鑿鎖口難開
凝情終望相憐愛肯學雙文決絕來

歲隳春帳隔盈盈萬種愁懷只憶卿種檠卽看成苦惱
見蓮常恨未分明繞檐蟾子空頻報睡地徧兒莫漫驚
縱有坤靈仙牒引此生難企企他生

夢回鳴鶴立東廂檀几穉毬燭兩行閒謔小名呼軟軟
乍看舞態是佯佯爐中燄歇後貌冷帳底熏濃蛺蝶香
恨煞潭如街鼓動梨花斜月下空廊

經年釵鈿舊監違解脫應教悟化機明月從來難久滿

彩雲容易又分飛流黃舊日空頻寄唾碧逾時想漸非
贏得傷春情緒惡潘郎疎鬢沉郎圍

柬張祖蘓茂才

嘉彝

張侯落落多古風閉門讀書幽趣同隱囊紗帽坐永日
蒔竹栽花纔半弓談禪妙解趙州偈作畫直逼包山翁
穠穠塵胸吾自愧羨君吟嘯北窗中

荔村草堂詩鈔卷第四

南海 譚宗浚 叔裕

過庭集下

起戊辰迄辛未五月詩二百一首

海山

又是神風忽引回海山何處望蓬萊昏昏搗杵心如碎
默默銜碑口懶開客路飄零時有淚世途艱險敢言才
料應成就藏山業著作還堪述帝魁

送吳晉王兵部

唐林入都

吳郎身長七尺軀氣象頗與常人殊九千餘言誦破律
五十四體工奇書朝來訪我還相別離恨蕭條不可說

別時江月正茫茫別後相思遙望月

和陳元孝懷古詩

姑蘇懷古

烏喙行成越祚危君王何事不酣嬉絕憐步履鳴廊日
卽是湛盧去國時歌舞千年遺館在興亡一局怒潮知
平吳畢竟蛾眉力多事黃金別鑄蠡

燕臺懷古

遠連幽薊控登萊莽莽川原王氣開形勝由來推重鎮
屠沽當日亦奇才報書繾綣孤臣淚擊筑淒涼壯士哀
我自飄零羞挾策不曾市駿慕登臺

楚中懷古

七澤三湘接混茫何年篳路啓南疆
朱陵祕洞羣仙窟赤壁雄風百戰場
終古英皇餘涕淚並時屈宋擅文章
倦遊憶過空舡峽愁聽哀猿暮雨涼

咸陽懷古

六國羣雄一戰摧長材利觜亦奇哉
闕前銅狄銷鋒去山上銀繩勒石來
靈藥苦求空自切輓車歸載定誰哀
却留圖籍遺蕭相不與詩書共劫灰

沛中懷古

故鄉何幸做行宮擊筑酣歌笑語同
舊日龍蛇藏大澤

他時雞犬徙新豐
鄰居尙憶偕
盧綰識鑿還
爭羨呂公
一樣英雄偏不幸
匆匆衣錦笑重瞳

洛陽懷古

邱紅嵩翠峙嵯峨
興廢殘蹤發浩歌
王會共瞻周日月
胡塵恨失晉山河
石經半闕遺跌佚
佛塔猶存壞鬣多
我輩別饒名士感
賈生祠廟訪烟蘿

蜀中懷古

誰向蠶叢鑿險巖
五丁遺迹尙依稀
於今神馬無消息
終古啼鴉有是非
桔柏渡頭危棧落
犀牛浦口怒濤飛
本來地險難長據
不道譙周早識機

鄴中懷古

王氣從來聚沛譙
魏臺訪議集臣僚
戰爭局竟成三國
綺麗文偏啓六朝
研瓦苔封春寂寂
銅盤露冷夜蕭蕭
傷心總帳彌留日
未得分香到二喬

金陵懷古

紫蓋黃旗控上游
一隅割據幾春秋
後庭詩酒招江令
前殿幡幢拜蔣侯
木柿已投誰更料
傳車忽去竟長休
偏安賸見南唐局
悽絕詞臣騎省愁

隋宮懷古

纔是楊開便李開
翠華一去竟難迴
迹同漢武真無忝

論比陳煬亦可哀未必女戎都致患可知天子不宜才
錦帆未遽天涯到想羨雷塘土一坏

題雁圖

蕭條粉墨總堪傷想見營謀爲稻梁猶有天涯淪落客
年年羨汝得還鄉

鄜湛若天風吹夜泉硯歌

書君懸針垂露之奇篆寫君離鸞別鶴之悲吟忠魂縹
緲去已久但有貞珉一片知君心當年此石誠非偶
鬱春雲落君手用之愈久德愈全合伴書窗爲益友
鴉乍嶺鬼門關子然書劍來猺蠻山魃猙獠伏洞裏巨蟒

睽陽懸林閒硯乎辛苦定同歷幸不棄置埋榛菅不然
軍中時草檄擲筆懸空飛霹靂丹心耿耿長不磨願與
東南支半壁積城一角陰雲愁日影慘淡悲清秋奇才
豈僅屈宋並毅魄直同張許遊片石猶存豈君意悔不
烽塵遭破碎硯池點點浮青痕尙似憂時賈生淚橋亭
字墨妙碑此硯與之應並垂忽憶舊時好琴癖畫有同
嗜安能一一搜剔全無遺我來摩挲看款識閒對遺蹤
思住事洗處曾來虞苑遊光孝寺洗硯池
爲鄭湛若隸書捧時定合青
琴侍青琴湛若侍
兒也見嶠雅君今騎鶴歸太虛硯亦轉徙經燕吳
願祈六丁下攝取永鎮朱明洞府神仙都

答客談瓊州風土

南溟有奇甸，傍海兀孤城。萬里逼天盡，四時皆瘴生。徒潭龍颺惡，嘯月虎偃行。一奏南征怨，淒涼空復情。

抵石灣

翛然檣棹到江濱，舊業端難問故園。一路紅棉多照水，數家窰戶自成村。喜看田野高風樸，好把親朋往事論。忽記去年今日事，騎驢席帽尙都門。

小游仙詩二十首

新傳紫誥命元卿，綠籍全教校姓名。玉笈銀函何用讀，但須勤習步虛聲。

紫裘羽客度翩翩
曾學靈籥譜未全
偶擬雙成新度曲
居然陳奏和鈞天

深鎖雲門一事無
玉清殿裏未傳呼
閒來便試青鸞管
日寫朱書殺改符

南華誰認至人篇
夜奏通明祕訣傳
絃殺紫蘭宮侍者
瑤緘飛遞衍波箋

紫府昇名侍從誇
元皇親爲酌流霞
歸來醉鞞矚光帽
尙插天園紫杏花

霓裳新赴廣寒還
幸廁瑤池侍從班
戲把金樽餘瀝瀉
一時香瀋遍人間

蓬萊多少引風船
寶宇琳宮要夙緣
但隸廣成門下籍
縱教蝙蝠亦成仙

瑤帔纔披便脫塵
芙蓉城闕逐羣真
拍肩只許洪厓共
白眼平看下界人

脈望通靈默祝虔
一朝翔步躡青烟
怪他負局懸壺叟
妄說修真待百年

百箭蓮驍技孰工
靈臺博戲競雌雄
靈妃却倚璇窗笑
得失升沈一霎中

狡獪乘雲善隱身
忽逢碧落跨黃麟
玉堂大有前巢燕
莫漫爭棲恐被嗔

員嶠方壺日月長，慣乘青霧吸元霜。此生未了文章債，
度度新宮要上梁。

文楸對語日丁丁，月上瑤階局未成。不管滄桑時事改，
但貪遊戲住青城。

誰是纏腰跨鶴回，通靈聊復溷塵埃。辛勤爲覓胡麻飯，
句曲天台處處來。

旣樂諸天簿，領閑由來金籍學。眞官竊疑十萬琅嬛軸，
未必青瞳解盡看。

煉金蒸汞有靈符，何事仙家亦負逋。久住大羅非易事，
金錢頻復買黃姑。

高寒清況厭瓊樓
餌朮茹芝飽亦愁
共羨茅君新拜誥
赤龍騎得下齊州

朝元隨例侍金闈
大似紅塵列戟郎
翻羨龍宮纔破陣
策勳頒下紫泥章

費呂頻爲汗漫遊
騎鯨李白去滄洲
從知管領靈山者
未必龍宮第一流

疎鸞幾輩日趨趨
獨有頑仙七不堪
脩到羣真仍傲骨
不曾緋笏學朝參

火輪船行

洪鑪鼓鞴青騰騰
烟煤黝黑愁鬱蒸
旁有眾竅牝牡承

節節引注如臂肱火力所至水力憑雙輪徐轉墜復升
起復中度猶引繩一掣已作雷軼軼濶瀑雪浪飛玉稜
前後十方捲雲翻攪毳毼兼毳毼琉璃火齊多如灑
百寶所聚光怪增炫日駭矚紛瞪瞢始從拾給樓櫓登
捷敏突過都盧緼海門昏暗望莫勝干仞之蟹三足鯨
喙浪歛霧洪濤興馬銜蝸像來蠅蠅軒然巨艦高山陵
嵬聳聳光橫峻嶒勢若急雨馳赴朔壤雲脫敗聲馮馮
天地闊遠愁墮崩警越倏過無競凌如馬注坂鳥避矰
咄哉奇技爾實能慎勿蜂蝟屯黼劓當今我

皇惠黎蒸講道衢室咨疑丞治化皎若扶桑昇有或不

憶螳臂矜豐隆車震越弩棚麟皮鼓擊聞鼙鼙鞞撥掀
撤誅其朋陸刺犀象水鱣鯢盡掃疵厲除瘕癥小民闔
繹覃頌稱滂社潭祐萃福祚願田有稻衣有縉美酒干
石蔬滿膳安用渤澥長風乘我爲作歌爾其懲吾言不
諛猶可徵

送張薌穀茂才

麟駕

返梅州

我彈綠綺曲曲罷輒愁吟流水杳然去白雲空此心君
今南土彥言返北山岑臨別爲相奏含情江月深

珠江竹枝詞

生小珠湄繫釣鈎風風雨雨不知愁阿儂慣住瓜皮艇

肯羨人間萬斛舟

貞女峽邊潮欲來送郎此日征帆開願郎但學春潮水

纔到胥江便却回

俗云潮不過胥江

東濠西濠兩岸齊扣舷相喚棹歌歸郎愛西濠船泊眾
妾愛東濠船泊稀

極目琵琶洲塔火微葦蒲無際雨霏霏儂家近在琵琶浦
時見琵琶鴨對飛

魚欄浦口市聲喧出網鮮鱗到處傳妾自收筒郎撒網
阿儂不用得金錢

近從莞順遠雷廉經歲頻勞食譜添支瓶舊貯庚申醬

配鼓猶餘甲子鹽

江頭萍水笑相逢指點行程話別蹤船背置花船尾草

年年婚嫁可愁儂

蠶家男未婚者則置草船上女未婚者則置花船上

春風何苦太顛狂要惱情人盡斷腸棉絮吹殘吹柳絮

教郎爭得不參商

計日墟期又轉頭家家蠶造喜全收儂情愛買家機布

不道郎誇順德綉

儂去西江郎北江江水未如儂意長相約思賢滄前泊

共擎藤盒喫檳榔

村市垂楊畫不如黃鴉穀穀雨疎疎街頭聽說山歌好

爭似儂家唱摸魚

年來鐵颺恐難當
簫鼓頻頻報賽忙
齊到金花祠畔泊
紅泥爐子海南香

大奚山外雨颺颺
十日寒風阻石尤
勸郎平地還須慎
不畏灘流畏水流

送人之梧州

此去灘江一水通
憐君琴劍逐征蓬
好騎蝴蝶尋仙蹟
漫嗜蝦蟆學土風
巨象過橋山雨黑
飛鷺跼水瘴雲紅
珠湄日日回船到
莫惜音書寄嶺東

城上雀

城上雀城裏烏雀勞利烏畢逋城內粟多雀未識烏來
呼羣欣共食哺雛啄穀無已時出入高下隨烟飛一朝
虞羅起行路烏兮被羈雀不顧同生同息不相憐猶自
喳喳向高樹

買書有作

奢想奇編比陸廚購求誰復計錙銖定同驪領珠珍獲
翻恐雞林重價沽護惜好教奴僕守儲藏能到子孫無
轉嫌門戶蕭閒甚剝啄頻看屢索逋

過鄧嘯篔簹才

維森
書齋

愛汝城南一畝莊篔簹千頃遶長廊澆花遠汲晨分甕

看月高談夜據牀公姥禽聲緣樹樂君臣藥氣滿畦香
抱琴度度相過熟應有兒童識酒狂

讀岑金紀戚將軍劍歌和作

滿堂颯颯秋風生指顧倏忽雄雷鳴將軍之劍似非劍
乃是金水之精相鑄成當年浙薊曾開府小醜憑陵盛
狐鼠海波滄滄帆影低寒色淒淒陣雲苦將軍大笑橫
寶刀白日慘淡蒼天高凌空馳驟轉飄忽有若晃漾欣
秋濤妖腰亂領墜無數盡掃凶穢除腥臊歸來罷戰將
軍喜世閒樂事無過此臨風獨笑三摩娑劍今與爾同
生死昔年流落來蠻陬岑生故物今尙留主人延客互

傳視四座觀者爭凝眸回風忽吹燈影綠疑有幽魂傍
人哭斑蒸濕霧腥汗流繡澀頑苔碧花簇星流電激生
氣驕十日諦看猶未足憑軒四顧聊高歌感時不覺空
吟哦四方羣羌聚如蝟長槍大槊相戛摩癭楊綿蔓豈
難破誰復十萬驅橫磨近傳島酋復跳盪蠶蠶蠕動誠
么麼安得如公數十輩持此盡斫生蛟鼉燕秦滇蜀盡
安謐不復征調愁干戈此時六合無泥滓此劍依然歸
匣裏留之篋筭辟不祥猶有寒芒燭天起嗚呼奢願安
得償我聊作詩歌慨慷世無戚侯能用爾神物且合塵
中藏仰天大笑出門去但見太白東井騰精光

西樵七勝詩

華蓋峯

羣山蜿蜒來勢欲吸江水奇峯橫障之頭角矗鬚鬚孤
根蟠地深巖石坼天起醜獍呈怪姿戍削炳深理前行
或觸胸仄步每妨趾誰知造極登圓石表邈迤從來平
易途半自艱阻始良覲固幸遭危蹤已頻履回顧齒蒼
披娟秀半空倚

齒蒼石在
華蓋峯下

若谷

禹穴未爲奇仇池未爲異怪哉若谷中神跡構雲閔杳
然黝黑處石盡出天地藍霏吐輕微素霧暈幽邃巖虛

仙蝠棲徑古病龍睡轉疑鬼神工對此定驚悸石牀四
旁設佳景了堪愛時有野樵來恐是羨期輩

白雲巖

入山不見山曲折轉雲竇離披萬松陰濃綠暗昏晝徐
攀一徑出適際數峯逗側隨山腰彎清見石骨瘦草木
皆絕殊日月但微漏忽聞澎湃聲雪花立空吼呼號乘
長風滴瀝誤崖溜奇蹤天所惜佳賞此真邁重游約山
靈息壤信非謬

雲瀑

靈峯含胚胎清水貯其腹鬱結不得申化爲萬珠玉雲

雷交撞春峯卓助翻覆碎句疑激濤曲折遂成狀奇觀
駭轉迷悽魄慄光肅孰云靈境幽轟擊日相逐空亭久
凝睇人影入寒綠藉草依峻嶒攀蘿結芬馥偶然泉響
微茶夢又剛熟

應潮湖

茲湖在山中吐納應潮汐是誰鼓盪之一噴復一息我
疑九子龍憑此作幽宅偶然呼吸通晴午噤寒色憶從
昨秋來萬象正澄寂古潭了不動靜極颺深碧遙見水
面雲穿過萬松直可憐霖雨才偃仰在巖側安得鞭雷
公奔走運神力會看乘霧游萬里送霹靂

三湖書院

飛濤奔檐前急雨注檐下黃河千里源至此欲一瀉微
風時偶吹勢已裂萬瓦幽人了不聞書史自陶寫我聞
讀書功有似觀水者淵源追聖賢流別究風雅尋津恐
易迷汲井戒無舍亦如泉源深出穴始瀟洒此語然不
然一笑倒銀罍

龍從閣

隔林見飛檐突兀據高巘意謂前林接誰識紆路遠延
緣到修磴一曲已千轉平看星合離俯瞰谷深淺青山
正如畫幅幅盡情展錯迷譌舊觀秀挺覲新昞日暮空

巖幽泉聲瀉秋篔巖寒慄已加蒼翠杳難辨試攜竹籠
來溪上摘新葍

花架

四圍立空碧碧極覺天深獨步古苔暝仰看時鳥吟
酴醾新院畔薜荔壞墻陰感此生機暢能忘學圃心

秋雨

秋夢驚回積雨飄裏頭枯坐太無聊只應颺閃翻殘葉
莫更掀騰作落潮翦燭與誰談細細聞歌爭忍憶瀟瀟
漫言碗碟春愁甚也比春來更寂寥

節近重陽又幾時依然積溜苦離披館僮未掃苔紋黯

村老來過米價知舊約屢辜攜屐去閒心翻悔補籬遲
蕭條賴有黃花對肯爲催租罷賦詩

峽外輕雷隱隱聞喧厖急點黯黃昏風涼蜻蟀吟依壁
漲滿魚蝦販到門珍重聯牀兄弟約艱難裏飯友朋恩
近聞大厦多傾圮莫歎蓬茅屋漏痕

瓜棚聲接豆籬聲涕淚悲歌感慨并五畝歸耕遲短鋤
十年耽讀負孤檠關心西潦妨傷稼蒿目南隅望洗兵
無限新愁兼舊恨酒闌看劍插崢嶸

哭高子登編修

學瀛

五首

朋舊多淪喪如君更可哀風塵淹旅魄湖海失斯才白

日馳偏急蒼天問不回祇餘千萬淚霑洒到泉臺
一
經傳思伏湛才調羨黃香獻賦玉堂上紉書金匱旁盛
名何歛赫吾道有輝光無限飛揚意何知願莫償
噩夢頻疑信傳聞轉慘悽疲勞愁卷軸增減誤刀圭無
復翔丹鳳空憐兆白雞歸魂肆江上波浪恐應迷
復憶論交日傾心把臂中兼旬書帙借竟夕酒杯同鄰
架知全廢黃墟近已空獨慚期許厚蕭颯近飛蓬
後死吾猶在遺文願共搜暫從廬阜貯應待茂陵求鄭
重金羸託叢殘玉屑收英靈端不泯莫付水東流

論杜詩絕句

杜老才名蓋代豪
歌行餘事薄風騷
偶然涉筆皆詩史
三百青銅酒價高

門戶紛紛豈盡同
何須冰炭苦相攻
君看千古風流祖
也肯傾心到射洪

文格何曾八代衰
紛紛嗤點誤羣兒
開編歷下東游作
尙似當時選體遺

京華旅食久騎驢
卅載依然寂寞居
出處分明原未玷
豈嫌投贈到哥舒

失喜山東淨戰塵
便云諷刺恐非真
悲歌無限纏綿意
附會何知到後人

愁絕東流渭水遙
新蒲細柳颯飄蕭
可憐涯餽駢誅後

江上千門更寂寥

稷契相期語豈狂
時時感觸託篇章
當年儻作風塵吏

未必功名遜漫郎

杜詩有同元使君春陵行
當時之留心世務如此

羨殺詞壇特盛開
王岑高李共追陪
韋迢郭受何多幸

偏許青雲附驥來

絕句槎枒迴不羣
終嫌樸直率天真
江西詩派支離甚

誤殺東家競效嚮

讀史記漢書後漢書小樂府一百首

八駿從天來
瑤池日張宴
君王但西巡
不記南征怨

宴瑤

池

交道從來惡中途每棄捐君看千載上惟有鮑卿賢

財分

共

愴絕新城縊忠誠未格親小弁哀怨者奔叛又何人

新

怨

屢屢初奏曲寂寞獨心驚自古英雄輩纏絲也至情

屢

怨

嗚咽中帷哭高城一旦崩無因化雙翼軒翥似韓憑

崩

操

美質稱師曠由來絕技能不騎緱鶴去周祚或中興

緱

鶴

粉黛盡嚴妝，彈箏侑玉觴。
羽書頻報捷，新喜克朱方。

章華

宴

秦穆伐西戎，卽用由余策。
不及樂毅賢，猶能懷故國。

伐西戎

戎

柱下五千言，妙道已全備。
不見惠施書，滿車亦奚謂。

柱下

史

墜屣期無棄，君王念舊親。
祇今茅屋在，致祭有遺民。

墜屣

謠

韓昌黎詩一

開茅屋祭昭王

太息梧宮地，繁華頓已空。
甬東曾不受一死也，英雄

梧宮

秋

烏喙終存越行成事足傷武關曾不反剛笑楚懷王

烏喙

行

一舸鴟夷去孤蹤獨渺然英雄垂暮日端合老嫗娟

鴟夷

舸

屬鏤仍屢賜慟絕竟銜鬚儻與靈胥遇應知悔沼吳

屬鏤

賜

慟甚靡笄曲懷冤竟莫伸向來慕信義早薄息夫人

靡笄

哭

六國龍爭日干戈苦未停漆園殊自得一夢未曾醒

漆園

吏

主父窺秦關志已滅嬴氏奇功雖不成壯氣亦堪喜窺秦

關

堂前珠履客矜寵意何如誰識蘭陵令淒涼老著書履珠

客

駿骨無妨市招賢客館開黃金如可買未是出羣才市駿

骨

卽墨仍能守奇勳海內聞青蠅終見妒殆甚望諸君守卽

墨

鐵椎誅晉鄙意氣動千軍寄語求才者屠沽大有人亥朱

推

四境能全治中宮佐理新顧頤兼折額不似綉紗人

無鹽

醜

愁絕羅江上孤臣放逐哀巫陽雖有祭忍望渚宮來

湘纍

怨

匕首原難濟悲歌易水時寸心期不負惟有白虹知

易水

悲

妙絕高唐賦微詞記諷奇君王殊不悟翻自惜瑤姬

高唐

賦

逐客原須諫封章託喻微如何游說者獨自忌韓非

諫逐

客

長城何迢迢千里竟興作此時避秦人坐看桃花落

築城

怨

酷甚坑儒變詩書委劫灰却餘圖籍在留待鄼侯來

儒坑

酷

徐福殊堪羨蓬萊去泛船亶州誠樂國何必作神仙

亶州

國

銷鋒鑄金人屹屹峙兩闕何哉博浪椎尙有人聞鐵

博浪

椎

牽犬東門歎淒涼不自由鹿裘能自適此日羨包邱

東門

歎

李斯與包邱先生同學

及李斯貴顯而包邱遂不仕

白帝容當道雄風奮嘯呼寄奴真異種後代尙相符

蛇白斬

抱器來干謁雍容盛典章規模殊自具休笑夥頤王

禮抱

挾策重瞳府剛逢逐鹿秋奇功如早就何必減留侯

期安

大度鴻門宴翻然釋漢王魯城他日哭此事果堪傷

門鴻

可憐刎頸交情好若膠漆泚水相攻時結盟能幾日

頸刎

交

舊日田橫墓悲風慘淡哀一自昌黎去何人
酌酒來

田橫

墓

蕭侯晚自污賤值買田宅儻隨赤松子何事獨勞役

買田

定

難忘轆釜怨遲滯始封侯當日分羹語而翁果念不

羹胡

侯

雌結隨殊俗南方久息兵高臺歌舞盛何必作韓彭

雌結

長

酷哉人彘狀鞠域更誰憐何似虞兮好長歌死馬前

人彘

酷

吟罷採芝歌歛起佐太子似嫌長安塵怕返商山

商山

芝 十六國春秋張重華問索綬曰四皓既安太子仕乎還山乎綬曰臣尚未悉重華曰卿不知乎四皓死於長安有四皓冢爲不還山也

革烏絺衣儉中宮聖德宣露臺猶惜費翻賜鄧通錢

鄧氏

錢

杯酒風波起人心楚越同題門何太晚應笑下邳公

題門

字

絳侯厚重才安劉實奇計徒能讒賈生先自困獄吏

困獄

吏

罵座醉喧呶嬰蚡抵嫌隙不聞丙吉賢吐茵曾勿責

罵座

謠

吾憐飛將軍百戰不得意但悔殺降羌頓忘誅醉尉

飛將軍

軍

平津信多僞東閣但徒開轅固韓嬰輩何曾躡履來

東閣

閣

天人空奏策主聽未曾明不學張湯詐何從至九卿

天人

策

執戟宮門侍時時譎諫俱漫誇文史足囊吏羨侏儒

執戟

郎

奇功推衛霍絕漠定窮邊能懾淮南虜翻輸汲直賢絕
庭

大 殷勤拜樂大金竈訪真形誰識郎官裏潛藏有歲星拜

擬作長門賦纏絲悟此心何知閨閣輩已誦白頭吟長
門

條約朝鮮設華風遍遠方咄哉胡服效應陋武靈王封
鮮

掘盡東宮裏株連處處俱昔年祠泰壹曾使詛匈奴掘
宮

盡

辛苦尋源使乘槎事有無寄言葱嶺外今日奉車書源

使
殿上車丞相殊恩荷至尊壺關二老在偏未聘蒲輪車

相
東宮位已成賜詔戮鉞禍水留昭陽預防亦何益鉞

怨
海上看羊返淒涼鬢似霜酬庸惟屬國不及渾邪王

曲
大義公羊據何妨罪戾園霍侯真不學纔識六經尊

獄

辰

牧

旻侯忠孝家滅親傳大義可憐博陸侯不正豔妻罪忠孝

于公推治獄寬恕少冤民韓延壽蓋寬饒誅夷慘何曾批逆

鱗治獄稱

服醜憐蕭傳奸邪恨未除朱游徒折角不上訟冤書東海

趙瑟雜秦謳當筵舞沐侯有人方仰屋今古貉同邱仰屋

服飾王陽麗偏傳政績良邇來賢令尹應乏煉金方作黃

才貌宮中最琵琶出遠方文姬猶返漢青塚獨淒涼

王昭君

當熊妾爲君愛君望君喜君恩猶未承讒言滿君耳

當熊妾

撓酒留犁醉遺醴血點秋葉街蠻邸地豈乏郵支頭

支頭

堂堂宗正卿早爲鴻寶累何怪豚犬兒匭函僞符瑞

鴻寶

變姓南昌尉封章袖裏留羊裘佳婿在風節各千秋

南昌尉

姊妹擅宮中歌詞赤鳳同可憐恩愛絕擁髻話樊通燕

燕

曳履尚書府清標迥絕倫臣門雖似市未有董卿塵如門

草元慕清淨投閣晚遭羞買卜成都客何嘗事五侯投閣

哀

大度推文叔宜膺赤伏隆更名徒妄冀誤殺國師公赤伏

符

珍重符星宿郎官位肯輕何知開創日筭餌獲公卿應列

宿

蛙井容專坐雄豪自一方不將成敗論何減漢中王

底井

家法南陽擅諸兒藝各成東都儒術重宿將總經生

守

藝

子陵本狂奴未肯隨世役蒼蒼桐廬山絕勝洛陽陌

狂奴

應

不棄糟糠婦宋公殊自賢淒涼憐郭后竟賦綠衣篇

糟糠

婦

慘絕南征怨空傳矍鑠雄不如騎歎段歸老向扶風

南征

怨

日暮洛城東聯翩冠蓋雄忽傳呵殿至爭避鮑家駟

駟

八尺關西漢登朝禮數優豈如衰世者鼠目更虜頭八

漢

豁達詡原陵曲陽晚遭棄不聞齊武王首貫岑彭罪

令

炎涼慕世態一紙絕交書當日公卿輩曾教抵几無

論

絕交

楚獄頻年繫株連事可傷伊蒲徒作饌枉自禮空王

饌

伊蒲

通侯傳八葉貴寵溢貂蟬祖德何堪問還看酷吏篇

八葉

侯

勒碣燕然上奇功亦快哉從來定邊者衛霍並奴才

封燕

然

豔說廉頗後高名海內聞惜哉徒唯諾竟倚寶將軍

廉頗

後

還珠擅循聲合浦政殊美何事媚川都不聞珠更徙

去珠

還

矯矯高風在先幾避網羅却從全盛日早賦五噫歌

五噫

歌

清節延君著三閭配食宜千秋遺憾在名列宦人碑三

閭

升卿曾取字決獄擅持平太息朝歌長頻教慘殺輕

卿

升字

酒肆偕傭保全孤一綫中漫言嬰旆節巾幗更英雄

傭

肆酒

不屑皋陶祭豪懷獨自如高風殊磊落地見龍舒

陶

皋祭

蕭然因樹屋棲隱絕比鄰荀蔡真名士臺司合致身

屋

樹因

擅絕經神譽無雙海外誇何因
邴根矩甘作魯西家號

一炬焚郿塢藏金竟若何
長安街市上爭唱董逃歌
郿塢

陳留碑版著諛墓動流傳儻續蘭臺史
何嘗勝范曄作碑

北海殊逸才人倫信無愧
何曾識魏瞞却早知劉備北海

卓帽遼東去蕭然作逸民
山中忘甲子祇訝漢時春
遼東

長歌行柬陳孝直

宗侃

鄧嘯篋

維森

兩茂才

黃河之流不足以洗垢崑崙之墟不足以載愁眼前刺
促不得志乘興兀兀來糟邱平時見人常欲避惟有酒
時差快意戲呼臧獲爲友朋誤指屠沽作儔輩平時見
人常欲羞惟有酒時差自由傾盤亂碎赤瑪瑙撥弦高
唱銅箏篋春風來吹芳樹紫燕黃鸝正無數游絲落絮
春漫漫上有羲輪黯將暮人生不飲真太癡對此韶光
惜空度頗嫌青山俗兀兀如獨醒青山無我輩豈得傳
其名頗愛明月佳皓然白天地時時窺酒杯亦似得酒
意就中陳鄧皆酒狂與我日日傾壺觴相逢必飲飲必

醉一月奚止逢干場呼杜康進儀狄我今與爾同寢息
典衣鬻珥行可沽爛脅腐腸安足惜陳侯古豪士方寸
橫華嵩鄧侯富文采逸藻何春鏞我雖躑躅苦難遂亦
擬跛鼈隨秋蓬丈夫各有四方志豈可久住塵埃中酒
後狂言發胸臆人生歡樂會有極如此佳游豈易得要
斟萬罍浮玉醪更酌千杯倒瓊液不然今日不高歌後
日相思復何益

塵尾

本來山澤質清供伴琴書低引風微卷平看雪不如無
心求拂拭有用效驅除不是齊紈扇提攜莫暫虛

釣艇

天地本大宅扁舟容寄身伊人多在水吾道信垂綸風
月悟真趣烟波忘苦辛莫嫌儔侶少鷗鷺總比隣

光孝寺貫休畫羅漢歌

我聞貫休昔住雲堂院夜半飛夢來瞿曇或爲高顴目
腕腕或爲鋸齒毛髟髟醒來運筆騁神怪意象突兀高
巖巖山祇水怪走且避呵護定有神明監幾時流落到
嶺外母乃海若移經函一僧捧巾瓶却立蓮花龕面目
盡黃槁貌古如春巖一僧俛寫字壽已逾彭聃想其振
筆疾如掃風雨入腕精神酣旁有貝多羅葉大如楓柑

千尋鐵幹兀不動但覺樹杪微風含老猿通靈閱千歲
踰伏巖石徐窺探鬚如坡竹目如炬亦似了了諳元談
嗟余平昔嗜淨業見此寶繪情愈媿邇來祇教入中國
流毒千里盈東南粉牆高揭十字畫脫帽膜拜聲喃喃
婆羅外道已復熾大寶至教誰更參願憑佛力掃邪說
免使詭怪驚愚熬莠稂未足雜嘉穀倘昧詎可方英咸
我雖願力遜龍象羽翼正覺吾能擔按今之天主教卽佛經所謂婆羅門
教也見海國圖志問佛佛不語佛亦低眉慚卷圖禮佛去獵獵
風吹衫出門回望塔輪頂尙見寶光滄鬱浮精藍

偶讀西崑酬唱集卽效其體

漢武

馳道長楊抵上蘭千門萬戶畫圖看黃雲覆鼎陰常合
玉露盛盤曉未乾通塞力求青海馬祈仙空盼碧城鸞
浪饒方朔誇文史只作當年待詔官

公子

少年粉署早含香六博彈棋總擅場列戟由來誇杜曲
影纓從許隸明光坐陪貔虎三千隊醉擁鴛鴦七十行
日暮臂鷹何處去鈴聲知是向南岡

天津健兒歌

天津健兒猛如虎夜斫夷樓誅夷虜青者長刀白者斧

殺氣騰騰月淒楚歷亂人頭如撒雨漢人得意洋人沮
明朝對簿圓扉中懍懍吐氣如長虹男兒報仇義不顧
囁嚅首鼠非英雄嗚呼人間壯士有如此胡不平蠻立
功報

天子駢首都亭甘就死漢人失意洋人喜歸魂上訴依
帝闈下埽蛟鱷除犬羊

贈黎簾廷廣文

維樞

西園多俊彥才筆似君難詩卷孔巢父畫情楊契丹游
心同大隱託迹愛微官珍重鸞皇質青天惜羽翰

送馮展雲宮詹師

譽驥

赴都

粵水何迢迢，粵山何蒼蒼。山水鬱相合，萬里馳舟航。睠言夫子去，再拜來獻觴。夫子實明德，秀出天南荒。端州古福地，毓此珍鳳皇。鳴聲應節足，磷彬大文章。金冠及翠珥，見者爲國祥。往昔

先帝時，館閣始徜徉。屢持英蕩節，遠涖東南疆。

帝曰：往汝諧，此方多見良。舉尤拔厥異，庶使文運昌。銜命再稽首，輶乘來洋洋。是時縫掖輩，聞報爭騰驤。懷珍各投獻，炳炳兼琅琅。厥金耀晃濇，厥玉鳴琤瑒。或璋琥珩，或璧珪琮璜。火齊紫霞色，巨珠明月光。珊瑚類枝大，琥珀如栗黃。亦有鈍凡鐵，缺折摧鋒鏑。亦有碎殘璧。

瑕類微玷傷夫子顧留意此寶非尋常琢磨並陶冶光
彩皆外彰斯寶

國家瑞貢之登玉堂以此報

主知俾作榱棟梁下可備驅使上可同劬勩昨歲扶匱
返彌節來五羊聚徒授經義冠帶何濟蹠賤子夙愚戇
屨屣隨冠裳荷蒙嘉許意訓誨情未央何以植垠堦五
經爲垣墻何以儲厚實諸史爲困倉何以極奧博百家
爲餼糧何以佐涵飫眾說爲酒漿勸我習詞賦挾藻隨
班張勸我究筆勢波磔描鍾王少年事雕篆眯目忘枇
糠一朝被嘘拂意氣殊激昂高風振雕鸚遠坂馳驕驄

詞篇溢萬口歎然聲名揚侵晨忽拜別舉目殊俛俛菲
材幸垂顧私誼焉可忘夫子信人傑翊

聖資贊襄行將擁旌節便復登巖廊雄才震千禩偉績
銘八方鄙人性率野覲縷焉能詳願爲私願切冀託芹
曝將邇來文運弱雜沸如蝸蟻揣窺恃單慧體製何披
猖支離類樗櫟叢糅盈苞稂譬如侏儒小欲挽千鈞強
賁獲久不作指顧徒羸尪又如驟蹇馬失御嗟皇皇乘
車入鼠穴反謂臨康莊以茲致寇暴兵甲紛擾攘怪形
萃夔魍妖血嘯狐鶴文風與世運相倚誠頡頏每觀盛
平作鉅製森琳瑯方今

聖人出至治函珠璣凍龕定吳越西伐摧氏羌樹碑空
峒側勒碣岐山陽貪狼息芒射奎璧騰天閭必有鉅儒
輩詞藻鑑煒煌雄深麗訓誥蘇叶諸宮商明良贊幽契
膺拜如虞唐願公振元氣扶幹迴天綱指麾定文柄高
步登詞場積波挽流盪隻手相提倡鯁生縱迷陋勇往
無怯恇亦思躡文苑鞭弭隨戎行拔戟自成隊劍佩羅
鏘鏘聊因遠別遠庶發狂言狂回颯動高樹日落天雨
霜棹歌奮嘔軋懍冽衣裘涼粵水水有波波浪流湯湯
粵山山有雲雲氣吹茫茫僕夫懍肅駕雞鳴戒嚴裝它
時隔燕樹引領遙相望別酒不能醉作詩聊慨慷焉能

不考本堂堂訓卷四
六

化黃鵠拊翼隨北翔

飲酒

少小讀羣書卓犖負奇志才多意轉疎踳躓苦難遂遭
逢自有時營擾竟何事從來利達途得之貴無意不如
淡相忘且盡酒中味

吾宗羣從輩善飲皆著稱伯兄最豪宕吸巵如長鯨呶
呼索拇戰滿座誰敢撻仲兄及兩弟意氣咸縱橫春風
弄園柳絲羽鳴嚶嚶飛鷗互促坐逸概凌滄溟勿云此
樂易蹤迹如晨星人生若朝露聚散良不恆仰天矯首
望屑涕還沾纓

燕酒冽而苛越酒甜而俗我云粵酒佳千古襲芳郁糟
牀作雨鳴滴滴散輕綠低頭一飲閒清氣了可掬人生
戀故鄉何事苦馳逐已矣營糟不誅茅傍禹麓

能酒不能詩俗與屠沽同能詩不能酒齷齪誠坐窮我
昔頗好詩鑄削愁天公爬披極山水瑣碎箋魚蟲近來
稍嗜酒混濇開心胸評量較得失兩味兼魚熊與爲東
野老靈作山中翁詩壇近寥落身曠難幸逢酒國隨處
有轟戰酣春風

我年甫髫鬣狡盜殊猖披紅巾遍嶺左郊壘多旌旗旋
遭海氛惡奔途愁豨回思宛昨日倏忽颿輪馳已事

嘉禾書畫言錄卷四
三
幸旋定未來安可知微生信多幸得荷天恩慈貧賤豈
不苦所免離亂悲人生會有役痛飲當勿疑皇皇逐名
譽負此將何之

昔聞軒帝子曾入華胥鄉人民既瞑隨物產亦豐穰老
死但耕耔不見兵革傷百歲尙爲天壽與苓龜長每疑
漆園叟調說憑荒唐誰知醉鄉裏此景真尋常停杯萬
慮息盜盜春風香

南方卑溼方三十已衰始我今雖少年朱顏正難恃惟
當作酒徒埋鍤更堪死昨聞東西家緹騎滿閭里昔時
金玉場半化棘與杞寄聲縫掖流縱飲斯可矣聯鑣如

共游試訪無功子

無題

曾記青童說妙齡
仙臺注籍姓名馨
竊來神藥風神雋
種就瓊花慧業靈
丁倒竟教頻錯迕
辛勤轉悔惜娉婷
本來天上元冰曲
未必紅塵却解聽

盼盡層城信息來
石碑銜住口難開
方期碧落通鸞札
爭奈青冥誤鴿媒
五角六張愁已劇
千回萬轉意全灰
漫言綠字回環好
浪費龍賓十二枚

蹤迹乖違亦夙因
尋思一晌倍傷神
淚同釀醋難成味
心似燒香總化塵
慣繡鴛針徒自巧
頻占蟾盒却非真

回看同隊婢娟輩已有黃絕證道人

藥店飛龍帶病容閒愁如水却惺忪情長桂水三千里
夢遠蓬山一萬重那有醫方回獼髓不堪緘恨寄駝封
眼前無限傷心事怕說瑤臺後會逢

潘伯寅侍郎

祖蔭

張香濤太史

之洞

招遊龍樹寺

同集者董研秋觀察

文煥

胡甘伯郎中

澍

秦誼

亭主政

煥文

閻□□太史

迺銑

王壬秋

開運

趙

一甫

之謙

李尊客

慈銘

桂皓庭

文燦

張子餘

預

陳一山

喬森

王子裳

咏霓

孫仲容

成讓

袁爽秋

步蟾

諸孝廉率賦長歌一首

城南古寺何森邃道是龔明布金地古槐舊種今幾年
劫火殘蹤了難記縱橫花藥交青蔥雜沓松杉覆蒼翠
京華冠蓋苦巖塵對此幽情浩無際侍郎卓犖天人才
稜稜紫氣眉宇開翰林張公亦好事邀我共賦題襟來
鳥聲咬咬傍几席花氣氤氳浮尊罍煩苛禮數久不擇
但覺酒政頻相催同遊諸子盡詞客說劍談經氣無敵
學業能將賈鄭儔詩才欲奪陰何席琢磨道義餘古懼
馳騁雄談恣胸臆但知佳景隨嬉遊未用風塵歎淪擲
微風颯颯吹菰蒲青林一角烟紫紆隱囊紗帽坐相對
歷歷溪山如畫圖眼花耳熱興莫止不覺四座同誼呼

名蹤自昔本常有盛會如今應更無嗚呼盛會如今應
更無君不見侵晨舊雨歡相聚明日浮雲還各徂

余以翌日

出都